

清尊集卷十五

騎虎小像

黃士珣自贊

幼習舉業科第莫取本分一貢爲吏所舞遲之十年卒未充補
飢驅所至燕蜀齊楚倦而思還已喪妻女惟留一子僅列黌序
復不永年又歸黃土孀婦雛孫畜待予俯垂老依人勢如騎虎
爰俾以形用志吾苦

題鄉泉騎虎圖

胡敬

從來貌詩人例著驢背上如何示服猛現此尊者相展卷知君
重有憂青山何處是菟裘輸他田舍妻拏樂拋卻犁鉏開跨牛

清尊集卷十五

陳文述

騎虎從來難徑下君之難下胡爲者孤孫寡婦四壁空衰翁攬
鬢愁難寫聞君言愁我欲愁愁多轉成百不憂我累比君過十
倍習慣騎虎同騎牛騎牛須有牧牛術牧牛有繩亦有策勤儉
傳家賴慈訓眷屬人人知省普病妻辟穀二十年惟以飲酒全
其天無著賴有天親賢兩兩吹笛斜陽烟君有仙心兼佛骨願
君學仙更學佛伏虎禪師尙是君更輯新詩編寶月

汪鈺

君不見東海黃公能御虎猛獸遇之莫敢侮又不見東吳黃蓋
稱虎將臨陣勇敢孰與抗君今豈其苗裔耶仙術武畧安足誇
君學探虎窮騷雅君才繡虎搞英華足底萬里胸萬卷雄飛壯

志寄意賒聽我長吟君曰否感慨重將心事剖豹隱歸來痛石
麟雞助功名幻蒼狗可憐薈萃豹狸別依舊生涯牛馬走所欣
家有小於菟跳地作彪膽氣麤雖硯且喜親付授竹馬定許同
馳驅噫嘻乎履虎艱危騎虎苦欲下不下誰爲主我亦絲牽傀
儡身磨牛踏迹陳復陳展圖棖觸身世感蝨於人海空勞辛爲
君轉語聊怡顏足穀多牛勢亦然燕頤不侯猿臂老輸他犢背
笛聲圓請解虎鈴釋虎縛撒手相逢大笑樂放眸且跨灞橋驢
纏腰官羨揚州鶴

汪遠孫

騷壇跌宕老詞人服猛無端幻此形夜半雞聲增激楚天涯馬
跡感飄零漫漫由人相皮羞畫終靳侯封骨不靈名士從來似名

清尊集卷五

二

將酒邊猶自拂青萍

語罷看君涕淚潛爲君重語勿辛酸小回家學終能志老谷詩
篇已不刊浮世名如蒼狗幻故山盟旨白鷗寒紛紛悲樂皆心
造好作騎驢一例看

屠秉

數奇飛將侯不封射石沒羽徒英雄纍纍肘後印如斗李蔡世
間多下中黃侯夙昔好身手百戰文壇終不偶燕領班生骨相
虛短衣杜老雄心負歸來豹隱飢無苦令子才名誇繡虎待看
炳蔚變成文那堪老淚揮如雨此際先生重有憂更煩虎僕石
田謀譚經漫說皋比擁作士翻成馮婦愁名流自古如名將厚
福容容每多讓牛背田園樂有餘蹇驢關塞遊空壯不是逃禪

不學仙寓言十九意堪憐好占九四履終吉莫託頰豪神漫傳
我謂先生休刺促膝下龍孫餘慶卜謝家祖德述他年看取興
宗飛食肉

華竹樓

文桓

嘗經鳳皇山麓得牙牌於樵子家廣一寸二

分徑二寸額鐫芝草一面折枝荔支一面玉樓春詞制作
極精字畫亦淳古可愛按詞係北宋魏國公賈文元昌朝
所作題款子明即其字也當是汴京宮人攜此南渡墜失
於荒烟蔓草間經山樵拾得者拓本裝冊同人賦之

黃士珣調玉樓春用元韻

鳳皇山下宸遊處換卻空王殿鈴語象牌歷劫贖春詞宮女如
花誰詠絮 賞花排當君王去曾向花臺繫新雨錦茵碧嗅水

清尊集卷十五

三

晶瓶可是堂經鍾美路

武林舊事鍾美堂賞大花爲
臺三層各植名品標以象牌

錢師曾調減蘭

莓苔拭淨裏露簪花如許靚記得分離糝徑飛紅小駐時 新
知邂逅不改湖山風日秀迴首流光裙角梁州舊夕陽

趙慶熺調高陽臺

細字蠶眠斷紋犀裂深黃暈透鵝脂蜜蠟方方何人手刻烏絲
東風荔子華年好要宜男翠葉青枝最分明兩面圭稜兩朵靈
芝 自從鳳輦湖山駐有遺鈿墜佩散落瓊墀春去春來愛他
故國畱詞重門深閉葳蕤鎖料當年曾繫金匙易銷魂結個同
心翠袖提時

汪遠孫調月華清

丹荔霞明仙芝雲種琢文卷髮深細春好玉樓麗曲故宮雷製
想昭陽依舊東風又報道牡丹開矣嬉戲正簞錢輸了萸尖輕
遞一自飄零天水伴芳草落花軟紅深瘞劫火連番尚覺粉
融脂膩縱不是舊閣披香也腸斷草元鐵史凝睇認苔班隱約
銅仙清淚

閨秀韓芸章調玉樓春用元韻

芙蓉樓閣知何處日落秋蕪聞蟀語研光滑笏琢新詞汗柳當
年題夢絮鈿拋珮冷冷匆匆去定有銅仙飄淚雨一般魚枕出
人間誰問玉鉤斜畔路

河東君妝鏡賦爲又村作

胡敬

清尊集卷十五

四

爾乃膏殘馥賸蘚剝苔斑紅顏已矣照膽猶寒一片模餽之秋
水幾年澹冶之春山灼灼其華明明如月悟徹虛空恥隨圓缺
豔影消霞冷光披雪思姹女之憐才悼文人之墮節簾幙重重
絳雲樓中移來瑩質安近雕欄則有赤文綠字金題玉封木難
火齊柯竹巖桐莫不駢羅斐几寫入青銅幽恨則眉峯聚翠別
約則臉潮暈紅會幾何時冀都失守尚書則竊妻以逃懷璧而
走愛其一握霜明二分月受記取當胸時拈在手鐵甕城邊金
陵渡口鳳翥重新龍盤依舊鑄定從揚子之江照又徧章臺之
柳勤王勉郎學健兒裝雉尾耀采錦袍啓行想其洗蛾翠拭花
黃揜窄袖解明璫把菱花而流盼試袴褶之新妝幾回顧影無
限端相俄而烽火淮連樓船江艤天實爲之事全去矣君乃斂

容而前含淚盈眦拌妾微生與郎偕死謂夫秦鏡已失漢妝愁
理死則如朗鏡兮耀魄臺前生則如昏鏡兮韜光匣底料既破
之難圓願重輸之心已柰何節慙彼婦識昧先機不水之鑑而
色之迷君於是辭妝閣啟禪扉易雲鬢以椎髻換羅襦以戒衣
從他匱中鵲化檻外鸞飛金膏罷滓粉絮慵披歎有才其無行
悔昨是而今非終以家難頻仍人言交競白首同歸朱絲畢命
少會桃葉之名喧晚乃蓮花之性淨而此寸銅也製自開元伴
從芳徑風月消多滄桑閱竟雖鴻影之驚飛尚脂痕之畱映將
鑒觀風會於前朝且看取河東之明鏡

題河東君妝鏡

奚疑

鬢簪花入畫圖開匱圓月照靡無不知高髻妝成後整得尚
書巾帽無

最難忘處是名心照日臨池見短吟惆悵鏡中人已去桃華潭
水自深深

黃士珣

一片畱傳古時月詩以銘之句誰乞此中人照幾紅妝乃作絳
雲樓上物樓前紅豆映晨開綵綬雕匱白玉臺遠對虞山橫點
黛清涵拂水巧勻腮夕烽忽報金甌破蒼生望起東山卧期君
取日向虞淵照出菱花影逾大買鞍妾亦解從軍莫道柔絲但
惹春生來俠骨雄心在月學傳紅寫翠人偶耕歸日同雙笑點
妝依舊承恩貌那知一恨付頑銅竟爾官看整巾帽

張珍臬

東風翦水彤雲稠汪郎訪我吳山樓示我青銅古鏡一土花黠
豔蟠銀虬背有銘詞二十字臨池照日題痕畱此鏡當年伴妝
閣菱花出匣嬋娟愁琴劍相依非草草道家裝束儘風流尚書
巾帽整未得對此徒令須眉羞汪君嗜古精鑿別一竅珍比敦
槃自拓銘繪影徵好句琳篇珠字紛來投鏡中人去二百載蟾
光蟬影春復秋靡蕪查字足千古碧波遺恨空悠悠

查人漢

絳雲樓上雲飛去土蝕西湖一團月當年持此鑑國士歡喜夫
君垂白髮夫君莫爲菱花眩願照妾心母照面照面形不照膽
靡蕪化作丹心薦虞山香冢淒碧烟空畱鸞影在人間誰知一
握冰霜冷拂拭重開有恨天汪君多情手自拓廿字分明不穿
鑿圖繪千秋屬別墅野史亭荒那可託

程庭鷺

銀蟾不蝕菱花朵霜冷瑤匳愁翠鑲玉顏當日憶靡蕪鏡裏雲
鬢能矮嬌矮嬌雲鬢乍曉妝絳雲樓上碧雲涼已更半野新梳
裏重畫眉痕一抹長何如妾面羞郎面江總歸來鬢霜變鸞篔
有恨誤三生可惜嬋娟難合傳青銅鑄錯屬前因紅豆花前替
寫直線珠已殉蕭孌逝明鏡無言閱幾春春風重問河橋柳飛
絮沾泥君省否我聞如是色仍空明月窺人花在手

戴熙

柳靡蕪無妝鏡前在周南卿家酒後出示欲題未果今歸汪君

又村索題漫書六絕句

綺羅叢裏一團秋，閨盡興亡不解愁。曾映點妝人幾許，等閒飛入絳雲樓。

寫翠傳紅手自擎，青衫烏帽作書生。世閒休說無佳偶，第一流人本是卿。

窗前紅豆笑春風，睡起珠釵綴玉蟲。瑟角詩邊須記取，一雙人影在當中。

擊碎金甌翠黛顰，勤王有志總成塵。妾心鏡面郎心背，文字蟠胸不照人。

襪衣入道鬢慵梳，從此妝臺夜月虛。鏡若有知當早破，不教中帽換尚書。

清尊集卷五

七

舊物摩挲憶樂官，白雲華閣落亦滄。桑汪倫莫寶無情物，殉葬應歸拂水莊。

閨秀汪菊孫并引

周南卿明經藏唐鏡一枚，背有銘云：照日菱花出，臨池滿月生。官看中帽整，妾映點妝成。證以初白庵金陵雜詠，知爲河東君物也。今歸又村仲弟，以拓本裝冊，索題卽次初白韻應之。

紅粉偏能國士知，可憐末路事參差。流傳一片開元月，曾照香

奩夜選詩

列朝詩集閨秀詩多河東參定

范玉琨調沁園春

蘇剔苦搜約，黃重見。紉素新裁，想桺絮因風，錦茵巧值菱花映。

月寶珠微開白雪凝膚綠雲委地俏影會畱小玉臺癡心甚恐
笑嚙猶在著意重措 我聞室裏安排定霜鬢雲鬢竝照來更
萬軸牙籤時勞玉腕一枝湘管斜襯蓮腮促膝探奇比肩問字
韻事都從暗裏窺須珍重歎亭亭新月芳魄難回

朱紫貴調高陽臺并引

又村以薜蘿妝鏡索題自秋徂冬未有成就歲聿云莫重赴
西泠水窗翦燭於霜月光中度此解此商調也自謂頗合商
聲質之又村未知以為何如

額角塗黃眉鬢寫翠一規會闕滄桑紅豆花殘荒寒拂水山莊
容成未省銅仙恨照歡顏那炤愁腸鎮團藥滿月臨池無恙清
光 傷心千古艱難事甚蛾眉晚節獨自流芳鑄錯何人偏教

清尊集卷十五

八

鬢點秋霜可憐巾帽隨時換展瑤籤還怕羞郎漫銷魂粉印脂
痕占斷柔鄉

仲湘調點絳脣

影事分明那時常與嬋娟見一腔幽怨忍對尚書面 舊日妝
樓回首應畱戀歸家院薜蘿益青斷月牘圓宵半

河東未嫁時居吾里歸家院見鄆牘

采桑詞

汪适孫

浴蘭纔罷浴蠶剛但到花殘春去忙正好山村游騎少鄰娃相
約去條桑

高枝低枝稠更柔蠶飢日夕儂先愁青絲裊裊作籠系桂枝冉
冉作籠鉤

芙蓉被冷夜初闌
頻起呼燈夢未安
預話來朝桑葉細
隔幃愁聽雨聲寒

剪刀聲碎日遲遲
梯影頻移又幾枝
減卻綠陰纔一半
紅蠶箔上二眠時

題楊妃病齒圖

胡敬

錦荔餐來渴可除
玉魚銜得熱還無
瓠犀沁入桃花醋
雁爲樓東一斛珠

黃士珣

苦參方子未容誇
總爲梅酸濺齒牙
一騎紅塵開口笑
錯教風俗認元嘉

清真集卷十五

九

汪鉞

霓裳罷唱淺含顰
倦倚屏山病態新
一樣風流矜絕代
蘇臺猶有捧心人

出浴調鸚次第摹
畫工著意繪新圖
枉拋心力傳宮掖
解寫睢陽嚼齒無

夏之盛

海棠香夢半驚殘
倦枕揩頤畫轉難
一點妒梅酸味在
瓠犀不爲逼春寒

汪遠孫

懨懨睡損縷金衣
不爲傷春笑語稀
臨鏡怕教容瘦減
卻添玉頰幾分肥

含鬢脈脈侍君王
髻子慵梳倚象牀
雪色鸚哥真解事
傳宣催進苦參湯

金城

比似孫孃笑不成
元好問詩麟齒孫孃笑不成
紅潮帶暈頰邊生
君王一倍加

憐惜為觸當時翦髮情

四月十四日偕序伯游烟霞洞觀石壁所刻吳越千人功

德塔題名

按此塔俗稱千官塔相傳上鐫南宋諸臣像并姓名屬樊榭南宋雜事詩引用吳中七子詩注翟晴江湖山便覽均承其

譌兩浙金石志辨之甚詳

汪适孫

鐵輪昔日滅度餘
驅役神鬼同狸貍
一夕手碎七寶末
幻相乃現靈浮圖
解支六重菩薩七
因緣八種種種殊
雁王功德及億

清尊集卷五

十

衆能使皈向精誠
輸羅平妖鳥旣翦滅
婆留開創平崎嶇
台州刺史克繩武嗣
統亦藉神僧護
當時繕性崇梵教
萬千寶塔傳金塗
臣民式化共奔走
何止肖像思休屠
烟霞古洞關幽邃
石佛低首咸跣趺
頗聞靈迹顯石晉
應直待補夢兆符
此塔曾疑竝時建
題字可識椒房吳
光文大師列層首
都指揮亦鐫名俱
弟冑何獨遺鄭國
或當窪泐多模餽
經幢天竺三僅畱
記崇化西塔埋榛
蕪上承亢角應舍利
崇壽院圯石碣枯
惟餘此塔久無恙
舊時鑿壁成形模
高餘二丈製精細
門楹洞達如凌虛
豈出都料喻浩手
斧斤龍琢窮毛銖
衣冠整肅狀膜拜
綬佩仿佛鏘瓊瑤
紅男綠女復俠侍
布金應出自衆釀
彼法貴賤視平等
波羅伽近可引呼
題名八百六十六
恒河沙聚何愁淤
今餘三百

卅餘輩一姓氏能詳書四大海水入毛孔龍漢一劫真須臾水
精塔在須彌頂阿闍百捨佛口須已免禾龍肆拏攫得隨門外
尋三車從來物盛忌盈滿外戚驕貴生覬覦幸遭忠懿念同氣
終全母族寬其誅此中陰仗阿舍力福緣酬汝禍穰祛雪山藥
救牽機者縱信果報言非迂我來攀仰歷奧窈白晝秉燭逃鮑
颯匆匆奚暇覓羶墨惜未搥拓親鉤摹印金券鐵久磨蝕古苔
卻化青蓮拊但教讚歎頌表剎勝逢石磔銀坵壺

程庭鷺用道古堂集南漢金塗鐵塔歌韻

耆闍畫石跡消歇漫向毘婆論九結錦營玉冊感廢興劫外浮
圖撐突兀烟霞洞古傍巉巖縣霽離奇飲雌蜺鑿巖二丈楹楯
具功德千人姓名揭陰苔蝕字半模餽四角銅華那可擷陽平

清尊集卷十五

十一

瞻貴勢煊赫龍漢周循真一瞥崇化雖傾基尚畱枉竭民財豈
知節倘非忠懿全母族何止外遷滅臯戾光文大師稱能文自
證菩提免摧折不然恃寵竊威福祿產相循如覆轍都指揮使
食郡縣椒掖蘭閨盛傳說羣知練行契祇洎誓願何如刺舌血
百錢便許速登真共向光景界中列雕鏤定後神鬼斤削六
州鎔錯鐵經過草草悟無縫惠照相逢語恐洩膜唄一一鐫形
模沙數恒河見明澈五百道乳于小兒手釋弓仗涕流咽門前
剎竿未倒卻風輪水輪倏起滅何論券鐵與印金十國紛紜互
顛蹶尚藉山靈護雀雛癡雲已散志泥絕迦葉長畱石室蹤未
龍敢肆佛須掣別有龍山鈴語稀雲荒嶺峻鞵痕沒

慈雲石額上有
千官塔亦吳

越所造未
載金石志樵人敲火碎石去拾得還疑七寶屑

胡敬同用前韻

臨安王氣百年歇，枉自檀那善緣結。因巖作塔，締構牢風雨。何愁孰搖兀，下埋苔蘚竄。鼯鼯上蔭松，杉拂虹蜺指。揮官伐門柱，

塔上有都指揮使吳廷標，塔上指揮使徐蟠題名。

郡縣君封閨號，揭

塔上有郡君某縣君盛氏八孀題名。

卻看兩

壁畫圖整。

塔左右石壁鐫數百人衣冠整肅作禮塔形。

追想千人辦香，擷百錢功德助莊嚴。

塔左右題名後各有千人功德百錢字。

十國興亡感，飄管笑渠叢。土口稱制，何似開門

手持節，金塗肖像現華鬢。鈴語連岡喧，替戾龍簡投湖文。未湮

鐵幢捍海鋒，先折佑妃空峙劫。火基保倣難回，汴梁轍當時東

南少休息，苛斂羣疑歐。史說不能役鬼，須役人營造多牛民膏

血。卽如此塔相輪開，長竝諸天香刹列。摹繪鳩將鸞手工，鑄鏡

耗盡耶溪鐵。天光倒入自然朗，山脈鑿深毋乃洩。綠鬢入思罪

清尊集卷十五

十一

懺除

塔右壁自十三行至十八行皆題某娘。

紫衣僧可禪參徹。

塔左柱題副僧官延慶。祇今野徑賸

荒寒，弔古山泉效鳴咽。採訪從何系歲時，弟昆幸未名磨滅。

無年月按吳延爽延慶皆吳越文穆王恭懿夫人弟。

掃殘烟翠共霞紫，閣徧羸顛與劉蹶。花開

有容唱吳趨，代遠無書編越絕。班聯漫向天水徵，丁甲幸逃雷

電掣。峯頭攬勝，偶筇支洞口題名任蕪沒。誰歟響榻殷空山崖

上黠雷麝煤屑

五月二日同人懸樊榭徵君像於水北樓設祀卽用集中

生日有感詩韻紀事分題於幀付交蘆庵永為辦香之奉

汪阜

山色初開雨，後天當筵紅。正若樗然辦香緣，結招同社題畫詩

傳憶昔年

先生集中有五月二日觀李遵道古木幽篁圖又有題五毒圖

墓表村墟留半碣，魂歸禪榻

占三椽臨流唱罷迎神曲驚起魚龍水底眠

胡敬

老去應生兜率天展看遺挂尚翛然才名公自齊皮陸詩譜人

誰紀歲年吾師朱明齋暨吾友孫兩人隊去簡採風搜稗史精藍和月

寄荒椽謂月上吟魂想象蕭閒甚冷抱梅花鎮日眠

黃士珣

先生合任大羅天詩思清於花欲然同輩未容推敵手不才空

媿過公年先生享壽六十二曾從阿買稱私淑謂縉未向麀公訪

舊椽此日香龕足供養新看遺貌寫龍眠

鄔鶴徵

湖上春波鏡裏天當時笠屐尚依然二分管領江淮月百卷編

清尊集卷十五

十三

排天水年北郭高風懷故社西谿秋雪隱荒椽龍泓居士冬心

老地下還應共醉眠二君皆先生老友羅兩峯

范玉琨

不論成佛與生天鶴骨清癯尚宛然鴻博才華傳早歲烟雲供

養過中年展圖曾預高樓讌癸巳夏五二日自理安至湖上適小

尋老屋椽料得吟魂猶戀戀一菴涼抱荻花眠

王蘭

麥秋時節雨晴天來拜遺容意憮然八社詩人誰嗣響一湖烟

水感流年幸從蘆雪留仙偶賸有梅花壓佛椽日落荒郊迷墓

碣隔溪西望指牛眠

夏之盛

碧蘆吹影冷漁天
秋雪蒼前夢渺然
沙外竹風雷幾許
竹風沙外清徽君游
西溪溪邊鷗約踐頻年
前年曾與小米諸君祭徽君於庵
香龕清寂梅同侶
老屋荒涼蘚上椽
我亦苦吟師浙派
畫圖長願護龍眠

汪鈺

從來文士合生天
雷得癯容尚宛然
傳載久爛天水事
史才閒補契丹年
詩傳西浙開新派
家隱南湖認舊椽
箋注媿難窺絕學
攤書篝火夜忘眠
時徽注先生詩集

酌酒欣逢揆度天
層樓瞻拜思悠然
豔情茗上新圖畫
客況揚州幾歲年
此日樓神雲共榻
重看題墓筆如椽
墓碑為儀徵阮公補題
吟魂最愛西溪路
好傍梅花自在眠

汪遠孫

清尊集卷十五

十五

如此清才定得天
癯身鶴立貌儵然
畫林編輯中興派
先生著南宋畫院錄
八詩格還參大歷年
魂繞梅花山一角
先生墓在西溪王家塢
龕同彌勒屋三椽
先生木王供奉交蘆庵
西湖也是頻游地
想見幽吟枕石眠

汪東健

滿湖梅雨漲鷗天
為展遺容思邈然
文苑已操麟史筆
先生入國史文苑
詞科何負鶴徵年
糜公社古迷三徑
山谷祠荒寄一椽
先生及姪人朱氏木
至附祀黃文節公祠戊子春鄉人移奉交蘆庵
曾記西溪溪畔路
煩他樵牧護牛眠

費丹旭

茗水湖雲各一天
登樓曾記瓣香然
吾鄉奚子復曾屬余寫溪樓延月圖每於五月二日同人展祀之益樓樓
即鮑氏溪樓
杯傳蒲酒又今日
圖展冰綃已隔年
余於去年摹徽君像有其二其一以贈子復此
其第二
雙槳豔情雷短什
一溪秋雪冷空椽
吟魂知有朝雲伴

不羨逋翁抱鶴眠

屠秉

那羨金華與木天圖中笠屐意飄然偶搜逸事三千軸先生輯宋詩紀事計

三十餘家又與同人賦南宋謂姬人雜事詩各百首徵引尤精博奚假名山五百年法樂儘銷人似月謂姬人

史才誰償去燭如椽先生著遠史拾遺高風遠憶西溪畔涼影如潮擁雪

眠

才名顯晦不關天處士聲華詎偶然黃絹叢殘編異代宋弁陽老人周密編

絕妙好詞先生與查謂直沽查氏水西莊邦玉山槃敦盛當年上馬氏小玲瓏山館畫徵南宋心

千古先生輯南宋畫院錄祠附西江屋幾椽先生栗玉舊附祀於北郭黃山谷彷彿巢

居老君復梅花兩地鎮高眠

辨香私淑徧人天出處何如孟浩然先生以孝廉需次縣令將入都過天津雷水西莊觴詠數月遂不就

清尊集卷十五

十五

選而歸 天女維摩圖處處浙中詩派多宗先生者往往繪圖以祀又祠中楹帖云天室華同天女散摩圍詩共老人參王述庵司寇所撰

也寒泉秋菊薦年年詩昌東野超同輩地接南湖想舊椽先生舊居傍南

湖自號南湖花隱今余所居亦近南湖并得南湖漁者居傍南舊印一方乃丁龍如為施竹田所鑄二君皆先生詩友

吟榻伴鷗眠謂小米舍人水北樓結社於今還我輩水窗

汪邁孫

一色琉璃漾碧天詞仙去後總淒然湖山又值懸弧日甲子重

周編集年先生詩編自甲午迄今百二十年矣秋雪庵荒尋短碣白洋池冷認空椽風

前牘有當時柳解憶吟情懶欲眠

梅雨卽事

胡敬

蓄水

品較中冷勝源來遠自天
灌花藏有甕炊雪貯無泉
芳茗甜留澹生衣滑待湔
過時雷作陣腥怕帶龍涎

焙藥

老來無別嗜
胃藥裏最關心
味總經靈變
香休任蠹侵
甌飛塵漠漠
鑪炷火深深
珍此籠中物
山昔徧尋

檢書

幾曾燒燭短
舒卷等雲烟
徧埽蛛縈篋
重裝鼠齧篇
新痕添屋漏
舊澤保芸編
轉眼交初伏
呼兒曝檻前

試香

坐甌愁無柰
思將艾蒻焚
縱輸沈水沁
聊付博山薰
撥箸消灰燼
垂簾護篆紋
有人方夜讀
甲煎試氤氳

清真集卷五

分竹

解道從鄰乞
何須更出游
此君方醉甚
穉子尚根畱
放卻前溪月
迎回小院秋
平安排日報
書不藉星郵

櫻花

帶雨攀枝葉
移栽老瓦盆
梅花吹有曲
芝草種無根
柯遠休尋夢
泥香與返魂
前生高蔭在
手掐尚畱痕

聽蛙

喧喧聲一片
起望水無涯
取鬧蘆翻葉
交催藕著花
雨雲沈野岸
蓑笠過田家
塵夢年來斷
從渠兩部誇

待蟬

知了何時了
癡雲撥不開
待鳴花放稻
畱翳葉敷槐
少婦遲攄

鬢頰仙嬾脫胎一聲聽獨早林杪忽飛來

錢師會

普水

澤國占天一澄沏未足誇恰憐時節雨最重蓋藏家甘冽勝厓
瀑氤氳壓井華佇看清暑簟裂餅復浮瓜

煇藥

靈根熾竊後天上苦相求耽盡烟霞癖爭禁雷雨偷刀圭香暖
處鑪火色純不瑤草於今少閒心逐物游

檢書

長物惟餘爾其如久弄藏蠹乾思潤吻芸老已停香丁甲寧煩
取叢殘黯自傷校勝心計子紅腐料困倉

清尊集卷五

十七

試香

殘虹挂樓角絲雨漬窗陰簾下犀紋押鑪温鵲尾金靜來拈妙
手清已駐初心花落鳥嘯外風微耐細尋

分竹

聽足黃梅雨分來綠玉竿粉牆初漏日翠館又籠寒雀喜分曹
占朋來取次看他時風雨夕兩地報平安

擺花

宿幹半條坼芳心一寸禁翦刀知地脈益盎載天心得氣纖兒
速觀時靜者深稀疎小紅翠幾日又清陰

聽蛙

一夜何曾斷池塘鼓吹喧燈涼棋子館月落稻花村嚮曉猶侵

枕因風直到門田家五行在消息驗聞根

待蟬

風才催舶趁人漸寬羲皇簾幙收游氣庭柯有夕陽
輓轡金井靜團扇玉階涼幾日清陰裏殘聲曳過牆

汪錫

蓄水

烹罷梅花雪梅霖味不殊寒生喉吻潤品入陸張無預滌藏齋
瓊吳煩調水符山妻知茗癖爲待不時需

焙藥

大藥三年畜浮生藉此安氣烝千裏漬火迫一籠乾永日薰篝
靜微香宿靈殘鄉村多疾病鄭重檢囊看

清尊集卷十五

六

檢書

幾日攤書倦牙籤花亂侵新痕參粉指餘潤長紅蟬展帙憎僮
懶堆牀待日臨深閨有同嗜未暇理焦琴

試香

鴨鼎摩挲處閒情紅袖知火溫餘味永篆細一痕遲深院微酣
後重簾淺夢時評香范簷事空自寄遐思

分竹

嬾向鄰家看琅玕乞種宜分陰清俗夢占地近芳池瘦影和雲
徙閒窗上月遲薰風欺乍到吹得一枝敲

擺花

小試東風手旋分滿墩春胚胎鍾一氣醞釀幻雙身肖助烘花

長休迷種核因關心寒暴意好語灌園人

聽蛙

聒聒干何事繁聲空短長黃昏新鼓吹青草舊池塘未必娛人耳徒教擾睡鄉賴渠占水旱官試灑灰方

待蟬

花已冬青破新蟬尚未鳴柴門疎雨過碧樹暮寒生倚杖移時立思君相整暑清五更殘夢斷何處忽飛聲

汪遠孫

蓄水

竟成司馬渴豈爲著書勤響聽檐前瀑寒生甕底雲預防三伏早還許四鄰分更好湖濱任烹泉倚夕曛

清尊集卷十五

九

焙藥

藥氣勝花氣渾如百和含星星桑火撥顆顆蠟丸探烟裊攪茶鼎香濃貯竹籃清娛方卧疾此味妙同譜

檢書

喜得繙書暇梅天十日霖生涯隨蠹老塵網怕蛛侵角折痕輕尉籤殘部細尋中餘故人札珍重比南金

試香

雨霽蒸殊甚頻將艾蒔燒清芬縈碧檻餘潤入紅綃詩思和烟細閒情逐篆銷閉門還掃地靜境自迢迢

分竹

一曲池旁地商量補竹宜明朝防日出連夜帶雲移坐與此君

對來嫌佳客遲放懷同汝醉耶爾醉芳卮

擺花

冒雨將花乞分栽近水濱無根仍得氣隨地總生春柔蔓扶還
卧新芽吐未申全憑造化手此事亦經綸

聽蛙

池水平添尺新蛙處處生問伊何事怒作此不平鳴青紫徒相
炫文章漫自驚拋書吾欲卧且自禁繁聲

待蟬

梅炎蟬未噪行藥過城東消息斜陽外光陰碧樹中琴絃猶濕
指鬢影相臨風轉眼庚晴後聲聲曳遠空

清尊集卷十六

宋理宗玉押

黃士珣

宋十五朝雷御押文見弁陽雜志雜今傳此押文不譌證之正與理宗合我但披文未相質云玉爲之紐作塔玉質溫純文自古定非好事出摹搨其時已去紹興遠匠手舒通逝應溘知有文思舊院工塗以蟾肪刻如蠟宋制用之以代寶如名稱花署批荅穆陵未政漸秣穰咸晚貂璫競招納想見丁當閭馬儔揜文要署相批拉一從獻璽出關門無復傳宣聽知閤此押還從故土畱屈指會經幾正臘嚮來荒市入文房差勝告身易菽荅玉窠蟠屈宸篆紅中有金仙淚鳴咽

清尊集卷十六

夏之盛

子箇雲五色難逼視奇寶千秋出鍊市破缺金甌玉押存贖此爻爻代符璽嗚呼宋押十五王僉題御墨垂輝煌吉光片羽祇餘一定與穿雲玉軫同珍藏我撫此押思往事命相無權更敕帥南北交爭龍虎符圖書別署胡盧識有時優詔酬北使和議長教獻金幣有時賜詩獎視師急務未聞相便宜何如太祖開國規模大令出於一權獨持玉不磨字不毀手澤如親趙天子黑龍頭擲鬼無靈赤虹氣鬱泥猶紫改玉淒涼五百年押兮何幸長畱此會殉珠襦寶匣閒禿鶯嗁冷冬青死一紐分明識已成白塔他年妖禍起

汪鉞

宋十五帝十七押一權已持初創業親書用押不用寶故事相
承世爲法良朋手拓遠寄示矮紙香霏紅沫壓傳觀云是穆陵
遺史冊稽詳架窺鄴端平初政比元祐丁董當時未寵押舍人
分司署箋奏中使傳宣降敕劄無何宮觀齋醮盛況復淮襄疆
土狹四十一年數僉題流傳幾歷紅羊劫我聞漢魏始押詔書
依書可主恩洽或草諾字肖形鳳或聽優歌隱言鳴歐陽集古
錄署字後無好事副所乏嗜奇得此定狂喜舊市荒涼憶茗雪
押文完好玉依然一旦光騰出鉞錘曾伴秘閣展樣硯好鈐晚
節寒香篔摩挲雕紐感先幾白塔砌經俄嵬業古懷何處訪冬
青夜半風吹聲霎霎

馬振裕

清尊集卷十六

二

臨軒命相更敕將以押代璽制獨勅穆陵千載手澤遺胡蘆一
角空依樣前後相傳十五押篆畫不同同意匠卻思杯酒釋兵
權權歸一尊誰敢抗半壁偏安重和議佞胄旣除彌遠相濟邸
無辜矯詔誅此押所僉母乃妄端平年幸崇大儒周程張朱示
風尚從祀一詔下明堂局雖偏安氣猶壯柰何將相委似道傳
國璽悲同押喪朔風吹斷五朵雲白塔亭亭荒隴上

屠秉

三省印奪韓平章新恩不徙史衛王二十一帝十五押尚畱片玉
經滄桑金璽得三五十一故物猶存南渡日寶祐開慶事何如
漫將一押鈐親筆謹刑訓廉會製銘鶴山持節還送行便教此
押鈐書尾直是紙上空談兵十八界會都作賈機速房中無論

者誰言理學崇周程那及丁當與閻馬福華編就真堪恥倘邀
御覽鈴泥紫內章未下相已逐不關此押權如此當時矯救無
不爲後有秋壑前嵩之忠良黜陟都難問勝敗襄樊那得知人
言僉押何時昉似是郇公五雲做百司借印儘從權天家玉牒
誰專掌冬青樹老六陵開金篋含珠總劫灰不知此押殉莽否
恐被髡奴盜取來君不見宣和賞鑿精鐫刻押字難同篆籀釋
若論一己獨持權試將開國英雄識

頰婆果

胡敬

漫詡聯珠與冷金嫣然風趣勝來禽

聯珠冷金皆林檎別名頰婆
與素柰林檎同類而異種

柔

條祇合頰伽宿異馥須從簷蔔尋冀北到秋爭入市江南移種

清尊集卷六

三

漸添陰斜紅林處猜霜早淡白浮來訝月臨

林檎一名
月臨花

易擘玉肌

鬆且脛難描脂暈淺還深胸酥靚女涼愁沁腮嫩嬰兒熱怕禁

茗椀點看清韻散枕函儲覺妙香侵似梨甘美膚偏薄如李勻

圓性不沈齒頰潤同餐瑞柰頭銜卑有署文林

林檎一名
文林即果

證成空

色仙畱果解得相思佛印心

頰婆華言相
思又曰顏色

枯祝回生傳馬珥墮羞

爭拾慕楊憎殘年甜俗憎桃李高潔惟伊愜素襟

汪錡

是果何年證婆心久悟禪紀時先棗栗彼美重幽燕得地仙根

結標名梵夾傳雨垂千顆密風鑄十分圓嫩靨嬌酣酒新妝淨

洗鉛可人饒斌媚

瓶史林檎頰婆姿媚
可人潘生之解愁也

俊味微中邊滑憶堆盤薦香

縈倚枕眠頰筐珠磊磊水齒露娟娟好贈同心友遙徵罷貢年

宋真宗紀罷詔
州獻頻婆果

染人思借色吳客不論錢愁解河陽岳遺非博望

騫折枝摹畫易藏窖藉冰堅紅豆堪同寄青梨漫鬪妍會榮詩甘
肥全過大

谷梨阿誰疏學圃移植曲闌前學圃餘疏吳地素無近亦有移
植之者形色俱減然猶是奇物

鄒志初

偶餐佳果憶幽燕梵夾頻婆語舊傳赤柰昔曾搜廣志甘棠今

可證詩篇禽初來處垂垂密珠欲睽時顆顆圓類別旃檀栽入

罌生依玉井味宜仙輕籠未竝餘柑貯小摘還宜帶露妍入口

易消梨似雪堆盤雅配杏如拳果譜中有柰杏青而帶
黃出鄴中名金剛拳沾來粉頰紅

微暈染就衫痕綠最鮮一種矜嚴瑤席上幾分馥郁枕函邊乾

成宿脯貧糧饋冷服金丹渴疾蠲不比辰瓜須數子暫供卯酒

亦垂涎荒寒塞北蒲萄樹寥落江南橘柚天爲愛相思名字好

清尊集卷六

四

盈筐遣伴故人箋

陳來泰調玉團兒

酒邊試倩柔荑擘休認做黃橙綠橘幾度摩挲團團玉貌獺痕

微赤佳人北地真難得況說是婆心欲結那不相思扶頭慵

起有人消渴

張應昌調綠意

瓊肌翠靨愛乍擎掌上蘭氣清裛碧玉情人春透雙渦媯然低

暈紅頰涼宵伴到頗黎枕早句引尋香幽蝶況指名說與相思

眼底亂愁重疊還憶燈前酒後玉纖手擘處風韻雙絕豔鬪

櫻脣勝天王經佛相脣
色潤澤如頻婆果芳沁蘭胸解得文園消渴封題珍重貽鱗

又嬾寫來禽書帖怕玉顏最易銷磨獨對一尊心結

八月二十六日招同人集留餘堂小酌

夏之盛

一詩吟未竟如作負心事一尊飲輒醉如游無懷世詩酒既多情賓朋況羣萃夜來雨打門曉起花盈砌獨樹走涼聲重陰鬱秋意一水與一石澹然足幽寄一詠兼一觴翛然見高致交因久愈真情以淡彌至霜臍團可擘籬菊黃將試申心述昔歡翹首延後契客散意徘徊露華寒滿地

松如招飲有事未赴越日次前韻賦謝

汪鉞

落落不自適胡爲斷酒事苟非尊中物何以遣身世園林景彌曠詩文日相萃昨夜西風來疎花耀庭砌萬籟號商聲幾人得

清尊集卷六

五

秋意良會歡未伸新篇情所寄愧我塵俗牽感君磊落致特恐竹林游興敗王戎至圍坐繁肴列小倦春茗試古懷金石交至樂主賓契清游迹易陳狂吟劒斫地

題海鹽黃韻珊

憲清

帝女花傳奇

汪适孫

天荒地老日月昏傾巢之下遺天孫我朝盛德比覆載重圓破鏡邀殊恩有明帝女長平主周皇后生年十五掌珠孕彩自驪源懷玉分輝出瑤圃雲髻新更扞角鬢九翬盤帕上笄冠賜封已受嘉名策選尚旋催司禮官周家壤子朱幡族玉帶銀鞍齊屬目百疋紅羅爲繫親甲門外館如期築五雲佇降金根車鳳管鸞絃禮孔嘉拂臉待調天母粉插頭預賜日兄花忽傳

烽火神京偏兒女江山同一撇九扇看飛貴戚灰六宮不染朝
臣血此時良玉盡成烟此際貞蕤盡化鶻豈意芳魂離倩女翻
因臂斷得生全 天戈指處妖氛掃 清時畱得殘生保落彩
甘為鍊行尼披丹特上陳情表滄桑歷盡斷塵蹤寡坐端宜聽
佛鐘望鄉笑築平城館示履嗔畱太華峯 九重動色垂 隆
眷一時翔泳 仁風扇豈有金枝玉葉身淪歸紙襖田衣伴
詔下同時禁鬻求 國家禮數曲從優當年平地生公府應
詔依然號粉侯 賜錢大啟同昌宅輦致還教富金麥桃李穠
開故國華粉脂豔沐 新朝澤撫膺聞樂感何如不御臨觴坐
向隅卷施拔盡柔心早杜宇嗁殘血淚枯回思國破家何在不
分良緣畱一載蓮子雖含得藕心銜冤敢忘填東海了卻前生
未了因歸從地下見君親更 賜一坯乾淨土可憐生死感
皇仁無雙才子生花筆天花法借瞿曇說寵遇非彈蜀國絃悲
涼為鼓湘靈瑟銅琶鐵撥按當筵媧石終難補恨天卻有畱都
築幕者閒將燕子壁吟箋

汪遠孫調鳳皇臺上憶吹簫

瓊樹花殘寶輪月缺故宮遺事淒涼記粉侯初選兵火倉皇那
更情牽羅綺拌永伴繡佛閒房天珍惜釵聯鏡合重叶鸞凰
雕梁西風換了便燕子飛來也感滄桑況素秋人病葢篋衣香
一霎曇華墮影應憔悴綠鬢潘郎閒中寫新詞一編江夏無雙

重陽前四日脩伯招集秋泣吟舫

夏之盛

一寸二寸魚三枝五枝樹池館劇清閒賓朋容小住平林開霽
日溼雲半凝返舫齋一椽窄吟筒雜酒具環水有餘清撫石多
奇趣

齋中供奇石疊累

纏綿新舊情膠漆同堅固秋紅牘晚花籬曲紆石

路涼聲向夕多夢落尋詩處

鏡池迴廊曲折名尋詩廊

羅漢松一名金錢松永寧僧云葉短者不結實葉長者名
長青能結實其實長四五分底平上銳如塔形今秋同人
集屠氏秋苙吟館館中松實纍纍五色可愛因紀以詩

胡敬

形圓微橢色青紅法乳垂垂萬顆同能耐歲寒方證果便傳衣
具總稱公琴牀蕭屑間清響花雨瀾漫現遠空畱得佛門真種
子派分知不改宗風

夏之盛

清真集卷六

七

聯盟天竺子交以淡彌真塔卓青珠累衣裁紫衲新萬千圓相
足十八宰官身想見雪山裏聰明結淨因

招同人集秋苙吟館賦羅漢松果

屠秉

問訊松羅漢何時果證明

顧文西梅謂此果本有松羅漢之名不知有所本否

摩尼分五色寶相

自圓成虎伏深根魄龍降老幹獐堆青螺髻古賜紫衲衣輕艾
納跏趺藉香雲偃蓋擎前身問金粟結習護珠纓演唱迦陵妙
繡經貝葉清讚應天雨散棲不鳥窠驚月下尋僧話風前想梵

聲病思名藥治

古德上堂每有我能爲大眾治病之語此果性甘溫能治肝胃疾見本草拾遺而余適有是疾

智識定華

生

定華發智果見法苑珠林

柏子西來意菩提覺後情笑余三宿戀得句佛還

呈

集靜寄東軒餞秋

楊文藻

秋士心易孤，殘秋況如客。感我離索情，復此風雨夕。良朋意纏綿，開尊樂浮拍。黃花耐冷交，招邀接茵席。舊雨會合稀，相於話疇昔。卅年困風塵，蓬轉歎蹤跡。鄉園盛吟社，獨憐久乖隔。盍簪非偶然，轉令秋思劇。情懷共蕭寥，落葉似愁積。後約待暖鑪，歲寒倘相憶。

夏之盛

枯籜墮階黃，半尺獵獵霜。風捲日夕主人憫，悵秋欲歸餞秋徧。召吟秋客吟，吟秋無計暫畱秋。一徑積雲黯暮愁，綴殘香幾枝。

清尊集卷六

八

菊醬寒蝶瘦也，風流座中獨。我真秋士長，把秋懷歲歲。記秋到將歸，忍遽歸。依依秋亦如人意，去年餞秋羅浮館。延陵交誼同纏繞，今年餞秋靜寄軒。誠齋詩話何纏綿，秋去秋來時幾易。江北江南路幾千，芸士先生將之江南故云客來抑何遲，秋去抑何早。梧桐葉漸稀，芙蓉花未老。從此彈琴奏履霜，朔風憔悴階前草。且幸秋歸客未歸，一簾酒氣氤氳好。

屠秉

痛飲無名忽有名，便摹別意到秋聲。美人一劍騰空去，老衲千山挈笠行。風葉亂飄蛩四壁，酒懷初醒月三更。故交屈指天涯少，寥落中年以後情。

陳來泰調八聲甘州

憶西風浙瀝數番吹纔催暑成秋忽池荷盡卷隄楊全禿花漾
蘆洲漸覺山慵水嬾媚景一齊收只有多情燕欲去還畱 舊
日鶯簧蝶板送東皇歸去了卻春愁又添來別恨畱語數聲幽
抱秋心最宜冷淡經幾番摧挫且歸休歸何處指斜陽外葉滿
山頭

張應昌同前調

正輕寒薄暖袷衣時秋未去人間甚黃花傲影烏衣作客清夢
關珊蘆浦楓江斜日冉冉到鷗邊無限悵遲意紅葉青山 玉
椀葡萄細酌愛雲深石徑霜滿遙天勸龍車駐飲悲賦采蕭篇
記春歸醉酣婪尾算者番心緒更纏綿觴吟處有征鴻唳飛過
樓前

清尊集卷之九

九

汪遠孫調八歸

偎花蝶瘦黏苔螢冷惆悵送卻秋去登臨別有銷凝意還值敗
蘆飄雪碎蕉敲雨已覺秋人腸欲斷况又是天涯羈旅恨不倩
萬疊青山遮斷夕陽路 慣惱悲秋宋玉秋今歸矣可奈愁偏
畱住一聲城角一聲鄰笛訴出離情無數鎮凭闌望久石畔微
吟庾郎句明朝起煖鑪酣飲分擘吟箋銷磨閒意緒

文丞相琴歌為陳碩士學使 用光賦

胡敬用有正味齋集韻

宮絃已絕商猶鳴宮商一片變作激越悲涼聲板橋脫險東泛
海風水入軫心為驚詔書由閩達蕭寺讀借龕燈感難睡風颯
音含故國愁蕭蕭雨灑羈臣淚虞淵黯今日欲沉村柝寂今夜

向深隨身止一琴徇國止一心臣心彈出廣陵散天語頒自枕
椰林明年贛州看復矣兵潰空坑事旋已獨松關七里洋川途
前後皆羊腸此琴當日想伴公北去匡山回首雲天長乾淨由
來惟佛地畱紀君恩數行字就死猶傳衣上銘拒降早示詩中
意吁嗟乎白梓青桐春復秋南征誰更問膠舟同時尚有號鐘
在迸逐忠魂海上游

黃士珣

渡江脫走祈請使福州紹統歲丙子一曲青原寺裏琴奉召難
教壯心已半生聲伎散勤王畱得冰絲伴夜涼樞密正期知政
事寂寥未辦死封疆二十八字鐫之腹上有松風鳴謾謾不隨
俗指作牧聲要共仙音獻法曲于嗟乎高廟盾製銘空徵貓精

清真集卷十六

十

龍肝出穆陵黃冠始願那可遂故宮盡在紅兜僧豈知人亡琴
尚在又見滄桑幾回改流傳拓本散人間正氣能令塞千載物
生遇合良獨難此琴重以丞相彈眼底非無南澗梓尋常只作
爨材看

夏之盛

清涼寺待詔住撫琴一揮竟北去孤臣北去不復還空畱絕調
無人彈成仁取義兩不愧琴聲傳出公心肝熒熒鬼火照窗碧
六陵回首松風寒燕樓淚聲變徵柴市血暈沁紫正氣人間炳
日星正聲萬古畱桐梓

汪遠孫

五坡兵潰白草殷孤臣北去不復還松風颯颯桐不死正聲長

雷天地間景炎紀元歲丙子勸進旋經奉召起抱琴夜宿空山
中回首豪華都已矣上絃錚錚勁如鐵皋亭山前論不屈下絃
忽作變徵聲真州城下脫身行平生壯懷悲不已并入風聲雨
聲裏吁嗟乎製傳盾樣偏忘讎蟋蟀聲中蕉氏秋賈似道琴名半壁興
亡只如此罷彈血淚徒雙流迄今事往六百載傳拓銘詞煥精
采字挾雷霆勢欲飛丞相英靈竟如在壞漆塵埋認絃淒涼
懷古意徒殷當年銅雀悲清惠官戴黃冠效水雲

汪适孫

謾謾松風鳴不已聲聲吹入琴絃裏撫絃動操忽長歎亡國之
音乃如此此時宋祚猶未亡聞關應召思勤王青原古寺偶投
足漫天恨雨何淋浪淋浪今嗚咽大絃急兮小絃絕一片商聲
指下來波濤如捲崖山雪從此囊琴不再彈聽歌阿刺淚沈瀾
淒涼柴市成仁後故物珍同袍笏看嗚呼號鐘之琴傳自謝疊
山文山節相亞擬補前人七客寮世間桐梓羞高價

題黃石齋先生夫人蔡氏石潤花卉畫冊

屠秉

心經百卷書貝葉舊與孝經同筆法先生寫孝經百部夫人亦寫心經百卷字體絕相似寫生妙
手更流傳三絕瓊閨幾人合每頁皆石齋先生松柏材地維力欲

扶傾積茹花委鬼太滋蔓可憐明社成蒿萊壬申一疏真剴切

葛藤株連反遭詰崇禎五年先生遭疾求去頻行上疏請斤小人有切磨勸則葛藤終年一意不調則株連四起之語上不擇摘此數語

貴令不妨遠志又還山好寄當歸正移疾內有憂者當歸一頁題歸來

自陳去蜀相軍容小草見之松菊徑猶存講學閒居且杜門門戶薰蕕慨朝局美人香草怨

騷魂冊中紀年書丙子此是崇禎九年矣腸斷將離黯贈行內題

步藥一頁云折花贈行黯然銷魂又題秋海棠淡竹葉云君子于役聞中腸斷中允一官知再起是年復以右中允起用研朱滴

露春風活花是精神鐵爲骨小草鐵骨亭亭自一家韻事鎮堪思況

乃忠貞兩無匹前楊嗣昌後馬士英國已傾瘴鄉歸戍空募兵發源

一潰臣力竭殘局何由種蔓菁君不見異時詔獄家書寄慷慨

會聞勵忠義先生在詔獄夫人寄書勉以必死東林幾輩晚披猖風流對此慙何地

畫中題語重低徊莫比尋常詠絮才試把須眉例中慙賦成應

似廣平梅

輓梁久竹

胡敬

數載鷗盟訂歲寒得君侮足禦騷壇間族望韋平著門內經

清尊集卷十六

十二

資服鄭彈倘作詞臣華國定再爲仙吏在家難出山何似歸山

好在被人同小草看

誰望南雲賦大招每從文讌憶風標鬢猶點漆貪兒戲舌偶翻

瀾解客嘲醉酒即眠狂過阮覽碑能覆敏推蕭席前手取燈檠

折鄉曲尋常鮮藉消

楷字銀鉤蠶尾工柳碑顏帖擅家風解衣弄水涼烟外著屐登

山大雪中胸有積書行作達目無餘子見先空如何垂老還投

牒重向京華蹋鞦韆紅

邑領南韶第一程丸探赤白盜縱橫文翁縱改巴中俗蘇子何

堪嶺外行雷雨故園荒秫隴蠻烟歸旆暗美城史家通例春秋

學聞尚遺編校未成

貞烈英姑傳

魏謙升

吾家有專靜純一之女未嫁而殉夫以死者曰英姑系出於魏錢唐人爲三伯祖封奉直大夫復堂先生曾孫女錢唐文學贈文林郎世父筠軒先生孫女嘉慶丙子舉人候選教諭從兄彭年之長女也母氏汪女生前夕母夢得堅白之玉遂名錫瑛後避族諱改名英性爽捷幼不嬉戲稍長益嚴以自持七歲隨其兄入家塾文學黃君廷綬課以孝經女誠諸書悉成誦師語及古人忠孝節烈事輒詳問感動涕泣至十歲自謂女子宜處內請於父母不復入塾佐中饋習女紅重慈以下皆大慰戚鄰稱賢同里李司馬古愚介黃君廷綬問名爲其第四子升元聘焉升元

清尊集卷十六

十三

與女同歲生未幾升元以疾殤教諭兄夫婦視女性烈慮其將以身殉也秘不使聞久之洩於侍婢女默矢不改字屬媪達己意於母媪諾之遷延未言女頗聞有媒來對時時飲泣今年夏五晦前五夜人定後忽引佩刀截左手食指斷半寸強血斑斑染襟袖母瞥見駭絕亟取斷指匿之爲祝藥得不死詢其故曰兒有大願故自誓耳媪泣曰姑早語我我不言累姑若此母始悉其隱加防焉八月四日之夕卒病蒼黃中不審吞食何物母詰數四不盲言惟媪淚曰兒自有所聞已不願生今得遂兒志幸矣兒不孝未能終事父母父母請母念兒言訖但注目不復語至次日鄉晨氣遂絕一家之人皆噉然哭眦其創未癒斷指故在內袖以殮嗚呼可哀也已時教諭兄攝諸暨學官事歸而哭

之慟李司馬聞之嘉其志諒於宗親屬向之媒者黃君廷綬語
教諭兄謂女殉夫死當成婦禮迎其柩與子升元合窆邑之安
樂山且爲立後命長子錢唐文學名泰元者上其事大府請於
朝得 旌如例教諭兄辭不獲也司馬之所以慰女者至矣
女而有知必感舅姑之成厥志女生於嘉慶二十一年正月六日
歿於道光十二年八月五日年十有七

論曰昔震川歸氏之論貞女也曰未嫁而爲夫死或終身不改適
者非禮也心竊以爲未允及讀家和公先生文載賴氏女將歸
而夫卒誓不嫁父母不許自經死和公美之爲附鄉先賢傳中
可知人情所不能已者聖人弗禁英姑之以死成烈也實有不
能明言之隱抑鬱久而出於必死也或以斷指爲傷全歸之義
若然古來割鼻毀耳諸賢著美簡冊又將何說耶

清尊集卷六

十四

魏貞烈女斷指圖

胡敬

謂女無夫身已字謂女有夫身未事從先王之制可以無死女
曰吾行吾意此指所以志

黃士珣

勢面斷鼻割兩耳自來節婦之烈有如此節婦之烈烈以節貞
女守貞何所偏引刀截指出從容曰之死矢靡有慝初時見指
不見刀柔荑暗剔銀燈高後來見刀不見指血光紅映燈光燒
人言此女何烈性女性非烈女有命女非忘親女志定撒環願
作嬰兒子不死指斷死以病嗚呼南八男兒事有古今乃見之

貞烈女貞烈女誰魏英姑字李未嫁夫先歿年十七歲身殉夫他年彤管脩女史魏貞烈女首屈指

莊仲方

鬱鬱女貞木生長南山巔隆冬冰雪侵秉性彌貞堅卓哉魏氏
媛戚黨稱徽賢擊絲習維勤德象肆早爛九齡字于李人羨偶
若仙夫婿盛名譽鳳藻何翩翩百兩行將迎中道成棄捐父母
恐女知勿令臧獲言女聞斷其指誓當赴黃泉無何抱沉疴神
志仍湛然泣涕告父母願詠靡他篇望夫石竟化精衛寃難填
舅姑迎喪歸合葬明湖偏作圖徧徵詩女節爭流傳我於貞女
父早歲諧金蘭慚無中壘筆一一爲女宣禮難抑情就志以明義
專忠孝亦如斯士夫其勉旃

陳來泰

清尊集卷六

十五

貞烈字能識不在多女蘿一託之死知靡佗于嗟女兮矢誓如山

河解一女身既有歸女心終不回惡耗潛聞雪泣同瓊瑰解二刃白

於雪燈凝而碧一指忽斷以表女心之貞烈解三耶孃驚視女何自

苦如是長跽而言淚如水女身未死心已死願撒環瑱效古嬰

兒子解四耶孃悲復喜女之貞烈古莫比從女之志斯可矣女聞

言笑而起解五女指則缺女義則全茹素奉佛未逾年嗚呼一病

迄不痊解六生異室死同穴人天動色女志已畢解七貞烈女魏姓

英其名年十有七殞其生字李升元昏未成壬辰八月初四寄

節嘖嘖誇杭城解八

汪遠孫

亂雲塗墨曉朝鴉女貞一樹冷不花訪友北郭鶴山喬相見未
語先咨嗟閨中有女年三五生長膏腴厭雕組選壻欣開孔雀
屏侍親未繡鴛鴦譜郎君家世龍門開翩翩才調儕鄒枝方期
蘿薦他年託詎料瓊瑤一夕摧噩問倉皇驚欲絕僕婢丁寧語
勿泄默有靈犀夢裏通暗悲寡鵲燈前咽女腸千轉柔如綿女
心百鍊堅於鐵春花悄以傷強顏歡笑慰耶孃中宵斷指
忽自誓願得長齋佛火旁口雖不言心早矢一病匆匆從壻死
證盟泉路覓唱隨含恨庭闈負怙恃吁嗟乎未昏守志古所疑
此語苟同無異詞策名委質死無二臣道如斯妻可知人間有
此女子奇不誇南八真男兒

屠業

清尊集卷云

二六

賦詩慕高行斷指古人有焉知未婚女烈過廖家嬪婉婉魏英

姑字李歲閱九

女以九齡許字李氏距卒時剛九年

文鴛未比翼孤燕遽失偶庭闈驚

噩耗婢僕戒緘口知子莫若親貞烈規素守靈犀忽潛通矢志

那容後燈前白刃紅一指已辭手清晨出定省慘淡驚阿母問

兒何倉猝志定事不苟北宮撤環璣永侍椿萱壽長齋誓畢

身繡佛勤稽首霜松節自堅曇華不可久同室生未能同穴死

寧否我聞苦行僧煉指絕塵垢又聞好男兒齧指國母負紅閨

出奇節得天良獨厚斷臂截耳人千古同不朽行看勒貞珉黃

絹題蒼白

十月望日書農學士招集古歡書屋出犀角巨觴行酒

夏之盛用梅都官集中飲劉原父家觀太公園刀斧金

錯刀韻

借酒以徵詩抽秘各騁妍我聞清尊集始自甲申年屈指文昌

輩老成渺雲烟

社中張仲雅吳子律諸先生俱先後下世

其他諸知己南北況各天

仲雲出仕山左

法士幕游江蘇

巋然魯靈光學士齒居先茲會滿百集浩如探珠淵暖鑪

續開燕名許酒人傳銀槎光泛泛悅傾藥玉船更為出犀觥圓

文儼帶錢頓增酒聲價一觥連城連浮白月正好波影落杯圓

會沾蘭陵醞拌此值十千靈通心一點交誼期完全醉酣憑放

眼南宮花媚娟

是日學士出南宋畫院林椿花鳥手卷示客

屠秉

南皮高會誇文讌斯樂難常古人歎蘭亭作序西園圖往往朋

簪悲聚散安定學士今青蓮水雲

小米舍人

雅復耽新篇諸公各具軋

清尊集卷二

七

犀手詎但飲中歌八仙消寒暄暑招羣賢龍鑿虎罽羅滿筵桃

杯樂府鐵厓補木瘦唱和松陵傳謁來高會迎春陽古歡合併

崇雅堂半酣飲客墮羅角婆婆古澤粟玉光巨或碧筍荷露香

次或九品蕉葉良或劄靈槎腹空洞或摹赤壁江流長製分伯

仲數惟四粟點花紋質精粹惜哉止酒到浯翁

蘇泉大以病後止酒

屢醉吾

應拌一醉主人持杯開笑口此會今逾十年久座中常滿尊不

空百集應知古無有我醉亦復前致辭靈犀每孕星精奇星占

太史應良會南極象或瞻他時騷壇牛耳卅年再末座我亦華

髮披香山耆英續佳話兕觥舉祝公期頤酒兵詩壘常如舊待

舞杯槃千萬壽

人命長當結友千秋萬歲皆老壽晉人杯槃樂舞中語也

清尊百集招同人集古歡書屋以四犀角觥飲客作歌

胡敬

集盈百觥登筵有鯨其角加雕鑄靈犀活剝光采麗文章驚座
須生前異彼秃角犀枯瘠色不鮮伯仲叔季四雅全如麟角擅
才翩翩或黜而澤或擘而妍或跂若束筍或脣若將舒蓮空明
無礙可望月透徹有脈真通天淺斟暖到臍一半深注香滲肌
中邊主嫌釀薄藉送醕客恃戶大皆流涎騷壇開已歲躔巾飲

器詠自宮僚先

始於雨人晴崖書
屋詠宮僚酒器

銀槎鑿空題張騫

繼於九松弟楚桐館
詠朱碧山銀槎

鸚鵡杯愛螺紋旋

復於小米靜寄
東軒詠翠螺杯

犀會照筵惜止一

又於小牀席
上詠犀角杯

憶同雲烟瓦盆拍浮日醉眠縱不羽化亦是仙偶然購此價十
千犧尊無暇稽鄭箋疾招我友出共賞準舊例要徵詩篇分無
金玉陪管絃倘較陶冶差完堅截犀作簪導美人頭白誰復憐
刺犀作帶銜將軍之腹徒便豈如剗中貯醞醪把玩猶得邀
羣賢四觥恰受酒一斗不過費我三百青銅錢今朝拌爛醉起
舞衣褊褊屈指座上客半已歸重泉來日知幾許光景堪畱連
犀乎犀乎我生安得如爾壽百年

清尊集卷十六

文

